

2-§. Чет эл валютасидаги операцияларни бухгалтерия ҳисобида акс эттириш

8. Чет эл валютасида ифодаланган активлар ва мажбуриятлар қиймати, бухгалтерия ҳисобида акс эттириш мақсадида, сўмда қайта ҳисобланиши лозим.

9. Чет эл валютасида ифодаланган активлар ва мажбуриятлар қийматини сўмда қайта ҳисоблаш ушбу чет эл валютасининг сўмга нисбатан Марказий банк курси бўйича амалга оширилади.

10. Бухгалтерия ҳисоби мақсадлари учун мазкур сўмдаги қайта ҳисоблаш чет эл валютасида операция содир этилган санадаги Марказий банк курси бўйича амалга оширилади. Бухгалтерия ҳисоби мақсадлари учун чет эл валютасидаги айрим операцияларнинг содир этиш саналари мазкур БҲМСнинг иловасида келтирилган.

11. Бухгалтерия ҳисобида консигнантга нисбатан чет эл валютасидаги кредиторлик қарзи консигнацияга олинган товарларни сотиш санасида, ана шу санадаги Марказий банкнинг курси бўйича вужудга келади. Қарздорликнинг кейинги ҳисоби мазкур БҲМСга мувофиқ амалга оширилади.

12. Маҳсулот (ишлар, хизматлар)га нархлар (тарифлар)ни чет эл валютасига эквивалентликда белгилайдиган, ўзаро ҳисоб-китобларни эса миллий валюта — сўмларда амалга оширадиган хўжалик юритувчи субъектлар хизмат кўрсатиш санасидан бошлаб тўлов келиб тушган санага қадар давр ичида Марказий банк курсининг ўзгариши муносабати билан юзага келадиган курс фарқини молиявий фаолиятдан

даромад (харажат) сифатида хўжалик юритувчи субъектнинг молиявий натижаларига олиб борадилар.